

鵲忽然不見殆非人也扁鵲以其言飲藥三十日視見垣一方人以此視病盡見五藏癥結特以診脈爲名耳

竇遷金液嵩叟玉漿

神仙傳竇遷者扶風人也當西晉懷愍之時王室寢微中原振擾年將筮仕痛此亂離遂慕羨門松喬之跡奇峯邃洞靡不栖託凝思至道累經試難一夕神光照室異香滿谷天樂漸近侍官數百有一真仙頂佩圓明乘車而下二女扶翊羣官後從年三十餘虬髯鶴質自稱平都山陰長生也愍以勤苦授金液九丹之訣明傳告誓禮畢而去

廣記嵩叟嵩山老叟也晉人因墮嵩山洞穴中巡穴而行見

道藏輯要

三洞羣仙錄

七

翼集四

穴中一物如青泥叟食之不飢遂巡穴出忽到家問張華曰此乃洞府也所食者玉漿也子其仙乎

惠超拔俗元素遁跡

仙傳拾遺唐胡惠超拔俗有道之士也處眾人中則頭出眾人之上雖至長者纔及其肩時人謂之胡長仙善能役使鬼神

宣室志昭慶民駱元素爲小吏一日遁跡而去令怒分捕甚急遂匿身山中忽遇一老翁策杖立於長松之下召素訊之曰爾安得至此耶素以實對望翁見容引元素入深山僅行十餘里見二茅齋前臨積水珍木奇花羅列左右侍童二人